



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel  
Francofurti Ad Moenum, 1690**

Caput XVI. Gregorius a nonus.

---

[urn:nbn:de:hbz:466:1-74544](#)

eterne. Immò ante tempora Gregorii magni ab ipsa Apostolorum doctrina processus usus indulgentiarum; sic enim D. Clemens lib. 3. constit. cap. 10. scribit: *Immò nec laico permittimus facere aliquid opus sacerdotale, ut sacrificium, aut baptisum, aut impositionem manus, aut benedictionem, sive parvam, sive magnam.* Et lib. 8. cap. 44. Nec enim fas est Diacono sacrificium offerre, aut baptizare, aut benedictionem, sive parvam, sive magnam facere. Non dubium est, quin hic benedictionem magnam vocet Pontifex remissionem peccatorum magnorum, que mortalia vocantur, & pœnaruini inferni, que eis debentur; parvam verò benedictionem vocat remissionem reliquorum peccatorum, idest penarum, que debentur pro peccatis magnis prius remissis; & parvorum peccatorum, que dicuntur venialia. Proabant etiam hanc potestatem concedendi indulgentias, non solum vivis, verum etiam defunctis. Bellarminus dicto tract. de indulg.

8. *Dartis tract. de paenit. cap. 6. pertot.*

Diffl- Nec obstat prima dubitandi ratio suprà expen-  
satur fa, cui ut satisfaciant Doctores, varia adducunt.  
dubitā- Abbas in præsenti (quem sequitur Cironius in  
diratio.

præsenti) asserit textum hunc procedere quando Archiepiscopus per provinciam suam visitationis munus exequitur, nam tunc cùm & corriger possit subditos suffraganorum suorum, meritò & illis indulgentias concedere valet. Alii docent, Archiepiscopum semper indulgentias concedere posse, quia actus hic est voluntarie juridictionis. Ita Suarez dict. tract. de paenit. diff. 49. scđ. 3. Riccius in praxi, resol. 306. nn. 5. Barbola de potestate Episcopi, alleg. 88. Sed hæc sententia expresè convincitur ex dicto capiti *Quod autem, hoc sit.* Quare magis placet prior solutio. Nec obstat secunda difficultas, nam verius est, Concilio Lateranensi relato in cap. antecedenti, præscriptum fuisse formam servandam in concessione indulgentiarum non solum Episcopis, verum & Archiepiscopis; siquidem illis verbis: *Quidam Ecclesiarum Prælati*, comprehenduntur etiam Archiepiscopi: unde rectè notarunt Barbola d. alleg. 88 num. 16. Fragofo dicto c. 2. lib. 2. diff. 4. §. 2. num. 20. quod si concessit Archiepiscopus quadriginta dies indulgentiarum in perpetuum, nihil amplius potest ejus successor pro eadem causa concedere, quia reputantur unus Prælati.

## CAPUT XVI.

Gregorius <sup>a</sup> nonus.

NE pro dilatione pœnitentia periculum immincat animarum, permittimus Episcopis, & aliis superioribus, nec non minoribus Prælatis exemptis, ut etiam præter sui superioris licentiam providum & discretum sibi possint eligere confessorem.

## NOTÆ.

I. <sup>a</sup> *Gregorius IX.* Qui præsentem constitutionem edidit motu proprio in favorem Prælatorum, tam regularium, quam secularium: qui eum non possint facile adire suos superiores, illis conceditur, ut possint sibi eligere confessarium. Quod privilegium latè illustrant Fagundez in *quinq. que præcepta*, cap. 2. num. 15. Bruno Chassaigne, in

*privil. Regul. tract. 3. cap. 3. propos. 8. Diana part. 10. tract. 16. resol. 76. Bard. in Bullam, part. 2. tract. 5. cap. 2. scđ. 2.* qui omnes rectè notant, privilegium hoc non esse revocatum per Tridentinum scđ. 23. de reformatione, cap. 15. quia cùm si insertum in corpore juris, & eius mentio specialis non fiat, non censetur derogatum: & varias illationes deducunt de Equitibus militariibus, & aliis personis exemptis.

## TITULUS XXXIX.

De sententia excommunicationis.

## CAPVT PRIMVM.

Alexander III. <sup>a</sup> Senon. Archiepiscopo.

 Uper eo verò, quod consilium postulasti, utrum b Scholares, si se invicem in plena, vel minore axtate, clerici, vel religiosi viri in claustro secundum c casu nonem illum, quo statutum est, ut illi, qui in clericos violentas manus injiciunt, mittantur ad Apostolicam Sedem, pro sua absolutione debeant venire. Inquisitioni taliter respondemus, quod si clerici infrā d puberes annos, scad invicem, aut unus alterum percutserit, non sunt ad Ap. Sedem mittendi; nec clerici si sunt plena axtatis, & non odio, vel invidia, vel indignatione, sed levitate e jocosa se ad invicem percutere contingat: nec Magister si scholarem clericum intuitu f discipline, vel correctionis percutserit; quia non potest in ipsis injectio manuum violenta notari. Cæterum si ex odio iidem scholares, vel seculares clerici se percutserint, pro sua absolutione debent ad Ap. Sedem venire.

## NOTÆ.